



**Sud Bosne i Hercegovine**  
**Суд Босне и Херцеговине**

---

Broj: S1 3 Iž 037687 20 Iž  
Sarajevo; 19.10.2020.godine

Sud Bosne i Hercegovine, u drugostepenom vijeću sastavljenom od sudija Vesne Trifunović kao predsjednika vijeća, Dinke Bešlagić-Čovrk i Mirsade Džindo kao članova vijeća, odlučujući o žalbi Ćurak Hane, na adresu Pintschstrasse 4, 10249 Berlin, izjavljenoj protiv Odluke Centralne izborne komisije Bosne i Hercegovine broj 05-1-07-1-998/20 od 01.10.2020. godine kojom je odbijen upis u izvod iz Centralnog biračkog spiska za glasanje izvan BiH podnosioca prijave, po podnesenim prijavama do 01.09.2020. godine, u nejavnoj sjednici, održanoj dana 19.10.2020. godine, donio je

**R J E Š E N J E**

Žalba se odbija.

**O b r a z l o Ź e n j e**

Odlukom Centralne izborne komisije Bosne i Hercegovine broj i datum navedeni u uvodu, odbijen upis u izvod iz Centralnog biračkog spiska za glasanje izvan BiH podnosioca prijave, po podnesenim prijavama do 01.09.2020. godine, jer nisu ispunjeni uslovi iz člana 3.15. stav (1), (2) i (3) Izbornog zakona Bosne i Hercegovine .

Protiv ove odluke žalbu je uložila Hana Ćurak putem e-meila [hana.curak@gmail.com](mailto:hana.curak@gmail.com) navodeći da se ista ne nalazi na izvodu iz Centralnog biračkog spiska za glasanje izvan BiH, pored činjenice da je poslala popunjen PRP-1 sa dokumentacijom.

Centralna izborna komisija Bosne i Hercegovine dostavila je ovom sudu odgovor na žalbu u kojem je predložila da se izjavljena odbije kao neosnovana jer žaliteljica nije ni nakon provedenog ispitnog postupka, uz prijavu za glasanje izvan BiH nije dostavila dokaz o identitetu, niti je to učinila o u ostavljenom roku o kome je obavještena putem internet stranice.

Ispitujući pobijanu odluku u okviru žalbenih navoda vijeće Apelacionog odjeljenja Suda Bosne i Hercegovine je zaključilo da žalba nije osnovana.

Odredbom člana 3.15 Izbornog zakona propisano je da državljanin BiH koji živi u inostranstvu, a koji ima biračko pravo u skladu sa ovim zakonom i upisan je u Centralni birački spisak, da bi se nalazio u izvodu iz Centralnog biračkog spiska za

glasanje van BiH, dužan je podnijeti prijavu Centralnoj izbornoj komisiji BiH prije roka koji utvrdi CIK BiH u periodu prije raspisivanja izbora. Osim prijave koju potpisuje dužan je priložiti i **dokaz o identitetu podnosioca prijave** i tačnoj adresi u inostranstvu.

Centralna izborna komisija Bosne i Hercegovine u osporavanom rješenju pravilno je utvrdila činjenicu da žaliteljica prijavu nije ispunila i nije navela podatke o tačnoj adresi boravka izvan BiH na koju će biti upućen glasački materijal i kontakt podaci, što je sve sadržano u odredbi člana 3.15 stav (1) Izbornog zakona BiH. Znači, u vrijeme donošenja osporavane odluke prijava žaliteljice nije ispunjavala zakonom propisane uslove da bude prihvaćena. Naime, rok za prijem prijave za upis birača u izvod u Centralni birački spisak za glasanje izvan BiH za Lokalne izbore 2020. godine bio je do 01.09.2020. godine u 24 sata kako je odredila Centralna izborna komisija BiH.

Osim toga žaliteljici nije oduzeto biračko pravo da glasa za Lokalne izbore 2020. godine na redovnom biračkom mjestu u opštini u kojoj ima prijavljeno prebivalište u Bosni i Hercegovini.

S obzirom na navedeno, po ocjeni ovog vijeća, pobijana odluka Centralne izborne komisije Bosne i Hercegovine je pravilna i zakonita a žalba neosnovana pa je istu, primjenom odredbe člana 81. stav 1. Zakona o upravnim sporovima Bosne i Hercegovine (Sl. glasnik BiH br. 19/02 do 74/10) valjalo odbiti.

**PREDSJEDNIK VIJEĆA  
SUDIJA  
Vesna Trifunović**